

Ane das mein allein
das sal sneiden flaisch und gebain
Aber so es komet auß meiner hand
so sey es in den segen genant
Es sey messer ader swert stachel ader eysen
oder alles das

ye gesmidet wård
sind der hailig crist geporen ward
+ Das sey mir als linde und also waich
als unser frawen hend und swaiß was
do sie unßern hern trugk und genaß
(55b) der mond und die sonne
leuchtent mir mit wonne
mein hercz sey mir stainen
mein leib bainen
mein kaupt sei mir stehelein
der himel muß mein schilt sein
das paradiß sey mir offen
die helle sey mir vorslossen
Der sperstich unßers hern ihesu cristi der behut
und beschirm

mich vor aller not
und vor den gehenden tod
Die heiligen zwelfpoten
zieren mich vor got
Die hailigen vier ewangelisten
die weisen mich vor got (56a) das beste
Der guth herre sant Steffan
der got ze himel sach
zu seines vaters rechten hand
do er alle sein not uber want
der sei mir bey
Der gut her sant Johannes
der pflege meines namens
das an not müße sehen
also hail müsse mir geschehen
+ Rain sey mir mein leib.
holt sey mir man und weip
Sant gerdrud müsse mein warten
gehens todes müsse ich nymmer ersterben
Sant (56b) Oswalt müsse meiner speise pflegen
und laß nit under wegen
Er pflege auch meiner verte